


BOSNA I HERCEGOVINA  
FEDERACIJA BOSNE I  
HERCEGOVINE  
UNSKO-SANSKI KANTON  
MINISTARSTVO  
UNUTRAŠNJIH POSLOVA



BOSNIA AND HERZEGOVINA  
FEDERATION OF BOSNIA AND  
HERZEGOVINA  
THE UNA-SANA CANTON  
MINISTRY OF THE INTERIOR

**ODLUKA O PONIŠENJU POSTUPKA JAVNE NABAVKE  
OTVORENI POSTUPAK  
uz provođenje E-aukcije**

Broj: 05-05/01-14-1543/19

Datum: 13.03.2020.godine

Na osnovu člana 69. stav (2). tačka e.), člana 70. stav 1., 4. i 6. Zakona o javnim nabavkama („Sl. glasnik BiH“, broj 39/14), člana 24. Zakona o unutrašnjim poslovima USK („Službeni glasnik USK“ broj: 13/16 i 16/18), u postupku javne nabavke kancelarijskog materijala za period 2020-2022. godina, ministar Ministarstva unutrašnjih poslova Unsko-sanskog kantona Bihać donosi:

**ODLUKU**

**o poništenju postupka sukcesivne javne nabavke kancelarijskog materijala za period 2020-2022. godina**

**Član 1.**

Poništava se postupak sukcesivne javne nabavke kancelarijskog materijala za period 2020-2022. godina iz razloga što je cijena ponude znatno veća od osiguranih sredstava za predmetnu nabavku u skladu sa članom 69. stav (2). tačka e). Zakona o javnim nabavkama BiH („Sl. glasnik BiH“ broj 39/14), a stavlja se van snage Odluka broj: 05-05/01-14-1543/19 od dana 13.01.2020.godine.

**Član 2.**

Za izvršenje ove Odluke zadužuje se Sektor za materijalno finansijske poslove i podršku, Odsjek za materijalne poslove i nabavu.

**Član 3.**

Ova Odluka objavit će se na web-stranici [www.mupusk.gov.ba](http://www.mupusk.gov.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6). Zakona o javnim nabavkama BiH.

**Član 4.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama BiH.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-05/01-14-1543/19 od 04.09.2019. godine - Sukcesivne isporuke kancelarijskog materijala – putem otvorenog postupka – uz provođenje E aukcije za period 2020-2022 godina. Javna nabavka je provedena putem otvorenog postupka uz provođenje E aukcije. Okvirni sporazum za period 2020.-2022. godina i da se Ugovor potpisuje sa jednim ponuđačem. Procijenjena vrijednost javne nabavke bez obračunatog PDV-a je do 135.000,00 KM.

Obavještenje o javnoj nabavci broj: 709-1-1-29-3-9/19 objavljeno je na Portalu javnih nabavki dana 08.11.2019. godine, a sažetak u „Službenom glasniku BiH“ broj 75 od 15.11.2019. godine, Ispravka obavještenja o nabavci broj: 709-1-1-29-8-10/19 objavljena na Portalu javnih nabavki dana 12.11.2019. godine, a sažetak u „Službenom glasniku BiH“ broj 77 od 22.11.2019. godine.

Komisija za javne nabavke Ministarstva unutrašnjih poslova Unsko-sanskog kantona Bihać imenovana je Rješenjem broj: 05-01-14-1304/19 od 18.10.2019. godine.

Krajnji rok za prijem ponuda bio je 02.12.2019. godine do 12.00 sati.

Komisija za javne nabavke dostavila je dana 20.12.2019. godine Zapisnik sa otvaranja ponuda broj: 05-05/01-14-1543/19 od 02.12.2019. godine. Zapisnik o ocjeni ponuda broj: 05-05/01-14-1543/19 od 02.12.2019. godine sa nastavkom Zapisnika nakon E aukcije od 20.12.2019. godine i Preporuku o izboru najpovoljnijeg ponuđača broj: 05-05/01-14-1543/19 od 20.12.2019. godine nakon okončanja E-aukcije i Izvještaj o toku i završetku E-aukcije.

**Nakon okončanja E-aukcije, Ministar Ministarstva unutrašnjih poslova Unsko-sanskog kantona donio je dana 22.12.2019. godine Odluku o izboru najpovoljnijeg ponuđača broj: 05-05/01-14-1543/19, kojom je dodijeljen Ugovor ponuđaču „PRIMAPROM“ d.o.o. Banja Luka za ponudenu cijenu od 124.280,00 KM bez uračunatog PDV-a.**

Postupajući po izjavljenim žalbama ponuđača „PrimaProm“ d.o.o. Banja Luka, „Plan Plus“ d.o.o. Zenica i „Defter“ d.o.o. Sarajevo na Odluku o izboru najpovoljnijeg ponuđača broj: 05-05/01-14-1543/19 od 22.12.2019. godine, Ministar Ministarstva unutrašnjih poslova Unsko-sanskog kantona donio je dana 13.01.2020. godine Odluku o poništenju postupka javne nabavke broj: 05-05/01-14-1543/19.

Nezadovoljan Odlukom o poništenju postupka broj: 05-05/01-14-1543/19 od dana 13.01.2020. godine, ponuđač „PrimaProm“ d.o.o. Banja Luka, izjavio je žalbu dana 28.01.2020. godine, koju je Ugovorni organ uputio na nadležno postupanje Uredu za razmatranje žalbi.

Postupajući po zaprimljenoj žalbi „PrimaProm“ d.o.o. Banja Luka, Ured za razmatranje žalbi Filijala Mostar donio je Rješenje broj: JN2-03-07-1-301-7/20 od 27.02.2020. godine, kojim je usvojio žalbu žalitelja „PrimaProm“ d.o.o. Banja Luka, te je predmet javne nabavke „Sukcesivna nabavka kancelarijskog materijala za period 2020-2022. godina“ vraćen Ugovornom organu na ponovno postupanje.

Komisija za javne nabavke je dostavila dana 11.03.2020. godine Dopunu zapisnika o ocjeni ponuda i preporuku broj: 05-01/01-14-1543/19/AB u kojem navodi slijedeće:

Komisija za javne nabavke Ministarstva unutrašnjih poslova USK-a uvidom u Rješenje Ureda za razmatranje žalbi broj: JN2-03-07-1-301-7/20 od 27.02.2020.godine je utvrdila da su žalbeni navodi žalitelja „PrimaProm“ d.o.o. Banja Luka prihvatljiva po tri osnova od strane Ureda za razmatranje žalbi, a koje je osporavao Ugovorni organ i to:

1. da je Stefan Gavrić, koji je potpisao Izjave iz člana 45. i člana 52. opunomoćen da vrši radnje ovjere kod nadležnog organa;
2. da propust načinjen u Aneksu 2. TD, da nije popunjena kolona „ime i prezime osobe koja je ovlaštena da predstavlja ponuđača“ predstavlja formalni nedostatak na dostavljenom dokumentu, ali da isti kao takav ne može utjecati na prihvatljivost ponude žalitelja;
3. da propust načinjen u Nacrtu ugovora i Nacrtu okvirnog sporazuma, da na predviđeno mjesto nije upisan poreski broj JIB ponuđača, predstavlja formalni nedostatak na dostavljenim dokumentima, ali da isti kao takav ne može utjecati na prihvatljivost ponude žalitelja.

Postupajući po Rješenju Ureda za razmatranje žalbi, Komisija za javne nabavke je izvršila ponovno rangiranje prihvatljivih ponuda prema kriteriju „najniža cijena“ za izbor ponude. Budući da je samo ponuda ponuđača „PrimaProm“ d.o.o. Banja Luka prihvatljiva ponuda, nisu stvoreni formalno-pravni uvjeti za provođenje ponovne E-aukcije.

Kao jedina prihvatljiva ponuda u postupku predmetne javne nabavke je ponuda ponuđača „PrimaProm“ d.o.o. Banja Luka sa ponuđenom ukupnom cijenom ponude bez PDV-a u iznosu od 180.574,35 KM., što predstavlja **više od 30% veću cijenu** od procijenjene vrijednosti javne nabavke definisane u Odluci o pokretanju postupka javne nabavke broj: 05-05/01-14-1543/19 od 04.09.2019.godine koja iznosi do 135.000,00 KM bez PDV-a koju je donio Ugovorni organ.

*Shodno navedenom, na temelju činjenica utvrđenih u postupku i provedenih dokaza, Komisija predlaže da rukovodilac organa donese novu Odluku kojom se stavlja van snage Odluka o poništenju postupka javne nabavke broj: 05-05/01-14-1543/19 od 13.01.2020. godine. Također Komisija daje preporuku rukovodiocu organa, da istom Odlukom, ukoliko ima dodatnih sredstava u iznosu od 45.574,35 KM (što predstavlja više od 30% veću cijenu od planiranih sredstava u odnosu na ponuđenu ukupnu cijenu ponuđača) dodjeli predmetni ugovor ponuđaču „PrimaProm“ d.o.o. Banja Luka, a ukoliko nema dodatnih finansijskih sredstava, da se poništi postupak javne nabavke „Sukcesivna nabavka kancelarijskog materijala za period 2020-2022. godina“ u skladu sa članom 69. stav (2). tačka e). Zakona o javnim nabavkama BiH („Sl. glasnik BiH“ broj 39/14).*

*Rukovodilac Ugovornog organa je dana 12.03.2020.godine dostavio Sektoru za materijalno finansijske poslove i podršku Obavijest o postupanju broj: 05-01/01-14-1543/19 u predmetnom postupka javne nabavke.*

*Razmatrajući Dopunu zapisnika o ocjeni ponuda i preporuku Komisije za javne nabavke broj: 05-01/01-14-1543/19/AB od 11.03.2020.godine rukovodilac Ugovornog organa dostavlja obavijest da se sačini Odluka o poništenju postupka javne nabavke i postupi u okviru procijenjene vrijednosti javne nabavke bez uračunatog PDV-a do 135.000,00 KM., iz razloga što na osnovu finansijskih pokazatelja planiranih Budžetom USK-a i usvojenim Dokumentom okvirnog budžeta (DOB) za period 2020-2022.godine, nema mogućnost da izvrši preraspodjelu finansijskih sredstava, odnosno iznađe mogućnost za dodatna finansijska sredstva u iznosu od 45.574,35 KM.*

Iz navedenih razloga, primjenom **člana 69. stav (2). tačka e).** Zakona o javnim nabavkama BiH ("Službeni glasnik BiH" broj: 39/14), člana 24. Zakona o unutrašnjim poslovima Unsko-sanskog kantona ("Službeni glasnik USK" broj: 13/16 i 16/18), odlučeno je kao u članu 1. ove Odluke.

### POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Dostavljeno:

1. "MONNE COMERC" d.o.o. Ul. Mušanovića Mahala 40., 77000 Bihać,
2. „PRIMAPROM“ Vidovdanska bb., 78000 Banja Luka,
3. „DEFTER“ Ul. Gatačka br.20., 71000 Sarajevo,
4. „PLAN PLUS“ Ul. Dr. Hasana Muminagića br.2-a 72000 Zenica,
5. Ministru,
6. IKT - za objavu,
7. a/a.



502. Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560  
Web: [www.mupusk.gov.ba](http://www.mupusk.gov.ba), e-mail: [mupusk@mupusk.gov.ba](mailto:mupusk@mupusk.gov.ba), [info@mupusk.gov.ba](mailto:info@mupusk.gov.ba)